

docsjive.com  
入駐商家 古籍書城 获取更多電子書  
在文川網搜索古籍書城

中國方志叢書·華中地方·第五二九號

據

清·三寶，王真望輯  
清乾隆間精鈔本

影印

浙江省

# 蓮華峯古蹟考略



9550/12

成文出版社有限公司印行



\*10101659\*

中華民國七十二年三月臺一版

蓮華峯古蹟考略

全一冊

發行人：黃

成

助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（〇）（五線）

印刷者：上林彩色印刷有限公司

台北市大理街145號

新聞局出版登記證：局版台業字第1443號

道光元年辛巳九月廿七日

賜南書房翰林編修臣祁寯藻

docsriver 文川网  
入驻商家 古籍书城

在文川网搜索古籍书城 获取更多电子书



蓮華峰古蹟考畧

蓮華峰


法鏡寺

翻經臺

夢謝亭

舍利塔

三生石



七葉堂

月桂亭

西嶺草堂

曲水亭

瓔珞泉

連雲棧

附錄題名

臣等謹按武林古稱僧海精藍名  
刹所在多有靈隱天竺其尤也靈  
隱自唐羶薌千載而天竺以大士  
像教祈禱利民今特盛於上寺其  
實下天竺與靈隱同建自慧理靈  
蹟攸先蓮華峰始見水經注靈隱  
在其陰下天竺在其陽層石秀矗



單椒傑峙周為舍衛之城分作者  
闍之窟伊晉以來開堂造寺揭榜  
摩崖禪客題詩名流摘詠傳者夥  
矣成書具存真境猶在固不待開  
山鑿空始足標新領異也滙而數  
之得景凡十有二其昔有今無不  
敢附會增益謹採諸書所載合綴

進

分系具如左方云大學士閩浙總  
督臣三寶浙江巡撫臣王亶望恭  
輯呈



蓮華峰

後魏酈道元水經注

靈隱山在四山之中有高崖洞穴又有孤石壁立大三十圍其上開散狀如蓮華。

宋釋契嵩武林山志

稽留峰之西曰蓮華峰有巖號玉女其蓮華之東者曰飛來峰乃西僧慧理所謂此

吾國靈鷲小嶺之飛來者也

宋咸淳臨安志

蓮華峰錢塘記云峰頂有孤石可四十圍  
頂上四開狀似千葉蓮華

明虞淳熙蓮華石品論

牛竒章僧孺以甲乙丙丁列石品謂太湖  
石為甲羅浮天竺石為乙焉其言天竺也

猶言蓮華峰與飛來峰也蓮華之名若獅  
豹兕象莫可形容也而其鮮葩則若芙蓉  
焉故以為蓮華也雖然其甲於太湖乙於  
太湖吾不得而知也而其與羅浮並者則  
竒章之不予誑也而惜乎後之人欲伐之  
也東坡之去杭也僧惠淨贈以石東坡詩  
曰還將天竺一峰去要把雲根到處栽其

愛石也不亦至于然東坡兩為政於杭也  
未嘗伐而取之也而奈何後之人不知愛  
也

國朝徐增靈隱寺志

蓮華峰在飛來峰西高起而睽屬者是也  
高百尺從下遙望下濶上銳從頂視下其  
石四面數開如蓮華瓣狀故名又云飛來

峰一名靈鷲峰其實一山也

謹按蓮華石屢見於前人詩文  
唐盧元輔詩云遠客偏求月桂  
子老人不記石蓮華張祜詩云  
何處去猶戀更看峰頂蓮又宋  
羅處約靈隱寺碑有懋蓮華之  
石翻貝葉之文洵深有天巖垂



為室晉宋以來賢能迭居等語

此外專詠之作並錄於左

唐白居易三年為刺史二首錄一

三年為刺史飲冰復食蘖惟向天竺山  
取得兩片石此抵有千金無乃傷清白

宋蘇軾別南北山諸道人下竺僧惠

淨以醜石贈行作三絕句錄一

docsriver 文川网  
入驻商家 古籍书城

在文川网搜索古籍书城 获取更多电子书

在郡依前六百日山中不記幾迴來還  
將天竺一峰去欲把雲根到處栽

謹按下竺寺坐蓮華峰之陽麓

白蘇所詠天竺石實即蓮華之  
石也

宋梅詢蓮華峰詩

巨石如芙蓉天然匪雕飾盤礴峰頂邊

蓮華峯

嬋娟秋江側涉川試誰采作礪當自惜  
坐與滌落同貞心未嘗易

宋曹勛游蓮華峰詩

絕壑垂蘿蓮出泥雲根瀉碧漱春曦  
支筇得住烟雲上賸看飛流濺沫時

元陳旅蓮華峰詩

怪石蟠厚地神功謝琢飾水深玉井凍

風多日車側空聞涉江咏尚見嘉樹惜  
匪石有遺誠我心不可易

明貝瓊咏蓮華峰詩

亂雲交竈霽孤石聳峒堯地識金仙隱  
巖看玉女朝香爐分秀色太華並高標  
恐有峨眉雪千秋尚未消



# 法鏡寺

宋咸淳臨安志

下竺靈山教寺在錢塘縣西一十七里隋  
開皇十五年僧真觀法師與道安禪師建  
號南天竺唐永泰中賜今額五代時有五  
百羅漢院後廢大中祥符初改賜靈山寺  
天禧四年復天竺寺額紹興十四年高宗

改賜天竺時思薦福寺額為吳秦王香火  
院慶元三年有旨下竺名利可復元額為  
天竺靈山之寺寶祐二年改賜天竺靈山  
教寺

謹按法鏡寺於乾隆二十七年  
蒙

賜今額即古天竺靈山寺也舊志稱靈鷲



峰北為靈隱南為天竺皆慧理  
道場白居易詩所謂一山門作  
兩山門兩寺原從一寺分蘇軾  
詩所謂靈隱寺前天竺後兩澗  
春深一靈鷲是也又靈隱寺  
云上竺剎於石晉中竺開於唐  
時而下竺則與靈隱同建於慧

理故凡古人之稱天竺者嘗與  
靈隱同稱又三天竺志云上中  
下後先開三菴席凡文典單稱  
天竺者即今靈山寺也一稱下  
天竺者以地勢言耳今採前人  
紀載詩文專述下竺者彙錄之

宋周密武林舊事

靈竺之勝周回數十里而巖壑尤美實聚  
於下天竺寺自飛來峰轉至寺後諸巖洞  
皆嵌空玲瓏瑩滑清潤如虬龍瑞鳳如層  
華吐萼如皺縠疊浪穿幽透深不可名貌  
林木皆自巖骨拔起不土而生傳言茲山  
韞玉故腴潤若此

宋胡宿下天竺靈山教寺記

天竺寺者餘杭之勝利也飛來峰者武林之竒巘也晉有梵僧慧理指此山乃靈鷲之一小嶺耳不知何年飛來至此掛錫置院初曰翻經隋開皇中法師真觀增廣之改為天竺寺其後大比年曇超道標領徒倡教名在僧史唐末盜起寺焚掠殆盡吳越王鏐因即舊址建五百羅漢院大宋之

興名山精舍申易嘉號錫名曰靈山祥符  
中州人聯牒叢叩府下請大士遵式領其  
衆演天台教觀式公辨博明解遠近向慕  
智者之學自是益振天禧初王真公臨州  
一見加禮為奏復天竺舊額真公親題其  
榜筆力殊勁且有勅旨許作十方講院主  
持還朝又表其高行賜號慈雲仍施錢萬

繕為營佛殿未幾侍郎胡公繼典是郡又  
捐已俸助作三門分架峻廊翼其左右檀  
施風偃莫不喜捨於是裒合衆施環立羣  
宇殿之後曰法堂其右曰僧堂曰金光三  
昧堂曰老宿堂其左曰厨曰庫曰浴院曰  
延壽堂及東西繚廊六十楹井園春磴之  
所凡二百餘區皆匪亟而成觀感以化至

docsriver 文川网  
入驻商家 古籍书城

在文川网搜索古籍书城 获取更多电子书

於金像模肖莫不竒特又造旃檀觀音像  
置三昧堂中慈相穆如智者之遺法也初  
寺有檜樹枯死至是柯葉復茂衆目之曰  
重榮檜乃蘭若中興之兆慈雲告老菴於  
東嶺傳寺事於明智大師祖韶韶公亦宿  
植德本密資覺力延接海衆宴坐道場二  
紀有餘百事無曠天聖中兩宮外護七寶



焉依清淨之風大流率土吉祥之地首眷  
茲山乃詔乾元長寧二節度僧各一明道  
至皇祐間二遣近璫黃元吉捨施檀香縷  
金佛菩薩羅漢等像五十二身釋迦文殊  
普賢阿難迦葉琥珀像五身又施西天靈  
塔佛骨舍利白氈等乃賜飛白御書六軸  
飛白御書扇子等且有中旨每歲度行者